

drugim propisima, potvrda u oblasti rješavanja boračkih pitanja, zdravstva i socijalne zaštite;

- radi na poslovima zaštite civilnih žrtava rata, članova porodica šehida, poginulih boraca, zaštite boraca, zaštite ratnih vojnih invalida i članova njihovih porodica;
- obavlja i druge poslove za koje je organizovana.

Član 9.

Za izvršavanje poslova utvrđenih zakonima iz isključive nadležnosti Kantona, kao i za obavljanje stručnih i drugih poslova, načelnik Općine obrazuje slijedeće samostalne odsjke:

- Odsjek za inspeksijsko-nadzorne poslove;
- Odsjek za investicije i sanaciju ratnih šteta.

Načelnik Općine će, Pravilnikom o unutrašnjoj organizaciji samostalnih odsjeka, utvrditi njihov djelokrug rada, organizacione jedinice, način rukovođenja i druga pitanja od značaja za njihov rad.

Član 10.

U izvršavanju općinskih propisa i prenesenih poslova kantonalne uprave načelnik Općine donosi rješenja i druga pojedinačna akta kojima se u upravnom postupku rješava o pravima, obavezama i pravnim interesima fizičkih i pravnih osoba.

Načelnik Općine može ovlastiti svoje pomoćnike koji rukovode pojedinom službom za upravu, da u određenim pitanjima donose rješenja i druga pojedinačna akta iz prethodnog stava.

Član 11.

Načelnik Općine donosi Pravilnik o unutrašnjoj organizaciji službi u kojem se utvrđuju organizacione jedinice, broj zaposlenih, njihova stručna sprema, potrebno radno iskustvo i drugo.

Saglasnost na Pravilnik o unutrašnjoj organizaciji službi za upravu daje Općinsko vijeće.

Član 12.

Službom za upravu rukovodi pomoćnik načelnika Općine.

Organizacionom jedinicom - odsjekom službe za upravu rukovodi šef odsjeka.

Pomoćnik načelnika Općine i šefove odsjeka postavlja načelnik Općine u skladu sa zakonom i drugim propisima, bez javnog konkursa.

Član 13.

Načelnik Općine imenuje, bez javnog konkursa, zamjenika načelnika Općine, sekretara za upravu i savjetnike za pojedine oblasti.

Član 14.

Zamjenik načelnika Općine pomaže načelniku Općine u obavljanju poslova iz njegove nadležnosti.

Sekretar za upravu vrši poslove općeg rukovođenja i koordinacije rada svih službi.

Član 15.

Danom stupanja na snagu ove odluke prestaje da važi Odluka o organizaciji i radu općinskih organa i općinskog načelnika ("Službene novine Kantona Sarajevo", broj 8/96).

Na osnovu člana 25. Statuta Općine Stari grad Sarajevo ("Službene novine Kantona Sarajevo", br. 10/98 i 17/99), Općinsko vijeće Stari grad Sarajevo, na sjednici održanoj 2. marta 2001. godine, donijelo je

ODLUKU

**O PRISTUPANJU OPĆINE STARI GRAD SARAJEVO
PROJEKTU "JEDINSTVENI INFORMACIONI SISTEM
GRADA SARAJEVA"**

I

U cilju unapređenja postojećeg informacionog sistema Općina Stari grad Sarajevo pristupit će Projektu "Jedinstveni informacioni sistem Grada Sarajeva".

II

U realizaciji Projekta Općina će djelimično koristiti dosadašnja informatička rješenja i vlastita ulaganja u informacioni sistem Općine.

III

Općina će izvršiti neophodna prilagodavanja i dogradnju svog informacionog sistema u cilju međusobne usklađenosti računarske i mrežne opreme i programa, kao i metodologije i podataka na nivou Grada Sarajeva.

IV

Općina će se aktivno uključiti u Projekat i dati potrebnu podršku njegovoj realizaciji, posebno kada je u pitanju korišćenje podataka, dokumentacije i rada uposlenog osoblja.

V

U skladu sa vlastitim prioritetima i mogućnostima, kao i potrebama integracije na nivou Grada Sarajeva, Općina će učestvovati u finansiranju dijela Projekta.

VI

Za zakonito, stručno, kvalitetno, racionalno i ekonomično obavljanje poslova oko pristupanja i učešća Općine u realizaciji Projekta "Jedinstveni informacioni sistem Grada Sarajeva", zadužuje se načelnik Općine.

VII

Ova odluka stupa na snagu danom donošenja i bit će objavljena u "Službenim novinama Kantona Sarajevo".

Broj 02-49-55/2001

2. marta 2001. godine

Sarajevo

Predsjedavajući Općinskog

vijeća Stari grad Sarajevo

mr. **Ismet Ovcina**, s. r.

Na osnovu člana 5. Zakona o stambenim odnosima preuzetog Zakona o preuzimanju Zakona o stambenim odnosima ("Službene novine Federacije BiH", broj 11/98), čl. 10. i 25. Statuta Općine Stari grad Sarajevo ("Službene novine Kantona Sarajevo", br. 10/98 i 17/99), Općinsko vijeće Stari grad Sarajevo, na sjednici održanoj 2. marta 2001. godine, donijelo je

ODLUKU

**O DAVANJU U ZAKUP STANOVA NA KOJIMA
OPĆINA STARI GRAD SARAJEVO IMA PRAVO
RASPOLAGANJA**

I - OSNOVNE ODREDBE

Član 1.

Ovom odlukom uređuje se način, mjerila, kriteriji i postupak davanja u zakup stanova na kojima Općina Stari grad Sarajevo (u daljem tekstu: Općina) ima pravo raspolaganja.

Član 2.

Davanje stanova u zakup vršit će načelnik Općine na prijedlog Komisije Općinskog vijeća za dodjelu stanova kojima raspolaze Općina.

Član 3.

Stanovi se mogu davati u zakup slijedećim kategorijama lica i to:

- 1) Članovima uže porodice šehida - poginulog borca, koji su bili pripadnici Armije BiH i MUP-a RBiH;
- 2) Ratnim vojnim invalidima, pripadnicima Armije RBiH i R MUP-a čiji invaliditet iznosi 50% i više i civilnim žrtvama rata sa stepenom invalidnosti većim od 50%;
- 3) Demobilisanim pripadnicima Vojske Federacije BiH koji su nagrađeni najvećim vojnim priznanjima i drugim licima koja su za svoj doprinos odbrani zemlje nagrađeni posebnim priznanjima;
- 4) Službenicima i namještenicima uposlenim u Općini;
- 5) Licima koje imenuje i bira Općinsko vijeće;
- 6) Licima koja u skladu sa Zakonom o propisima o socijalnoj zaštiti, ostvaruju pravo na stalnu socijalnu pomoć putem